



大招傳

區湖蕭雲從尺木甫較

大招者屈原之所作也或曰景差疑不能明也屈原放流九年憂思煩亂精神越散與形離別恐命將終所行不遂故憤然大招其魂盛稱楚國之樂崇懷襄之德以比三王能任用賢公卿明察能薦舉人宜輔佐之以興至治因以風諫達已之志也

青春受謝白日昭只春氣奮發萬物遽只冥凌夾行魂無逃只魂魄歸徠無遠遙只魂乎歸徠無東無西無南無北只東有大

海潮水激激只螭龍竝流上下悠悠只霧雨淫淫白皓膠只
乎無東湯谷宗只魂乎無南南有炎火千里蝮蛇蜒只山林險
隘虎豹蜿只鷙鱗短狐王虺騫只魂乎無南賊傷躬只魂乎無
西西方流沙滌洋洋只豕首縱目被髮鬖只長爪踞牙談笑狂
只魂乎無西多害傷只魂乎無北北有寒山連龍蛇只代水不
可涉深不可測只天白顛顛寒凝凝只魂乎無往盈北極只魂
魄歸徠間以靜只自恣荆楚安以定只逞志究欲心意安只窮
身安樂年壽延只魂乎歸徠樂不可言只五穀六仞設菰梁只
鼎膾盈望和致芳只內鶻鶻味豺羹只魂乎歸徠恣所嘗只

鮮鵝甘雞和楚酪只醢豚苦狗膾苴葍只吳酸蒿蓼不沾薄只
魂兮歸徠恣所擇只炙鴟烝鳧結鴉嗽只煎鱖臠雀遽爽存只
魂乎歸徠麗以先只四酎并孰不盈盞只清馨凍飲不歡役只
吳醴白蘘和楚瀝只魂乎歸徠不遽惕只代秦鄭衛鳴竽張只
伏戲駕辯楚勞商只謳和揚阿趙蕭倡只魂乎歸徠定空桑只
二人接舞投詩賦只叩鐘調磬娛人亂只四上競氣極聲變只
魂乎歸徠聽歌謔只朱脣皓齒嫵以姱只比德好間習以都只
豐肉微骨調以娛只魂乎歸徠安以舒只媻目宜笑蛾眉曼只
谷則秀雅稗朱顏只魂乎歸徠靜以安只媻脩滂浩聽以佳只

會頰倚耳曲眉規只滂心綽態姣麗施只小腰秀頸若鯨耳只
魂乎歸徠思怨移只易中利心以動作只粉白黛黑施芳澤只
長袂拂面善留客只魂乎歸徠以娛昔只青色直眉美目姍只
脣輔奇牙宜笑嗎只豐肉微骨體便娟只南方小壇觀絕霄只
曲屋步擱宜擾育只騰駕步遊獵春囿只瓊轂錯衡英華假只
菡蘭桂樹鬱彌路只鷗鴻羣晨雜鴉鷁只鴻鵠代遊曼鸞鷁只
魂乎歸徠鳳皇翔只曼澤怡面血氣盛只永宜厥身保壽命只
空家盈廷爵祿盛只魂乎歸徠居室定只接徑千里出若雲只
圭重侯聽類神只察篤天隱孤寡存只魂兮歸徠正始昆只

田邑千畝人阜昌只美冒衆流德澤章只先成後文善美明只
魂乎歸徠賞罰當只名聲若日照四海只德譽配天萬民理只
北至幽陵南交趾只西薄羊腸東窮海只魂乎歸徠尚賢士只
發政獻行禁苛暴只舉傑壓陞誅讒罷只直羸在位近禹麾只
豪傑執政流澤施只魂乎徠歸國家爲只雄雄赫赫天德明只
三公穆穆登降堂只諸侯畢極立九卿只昭質既設大侯張只
執弓挾矢揖辭讓只魂乎徠歸尚三王只

